

峴泉集卷之十二

疑七

峴泉集卷之十二

疑七

者 山 無 為 天 師 張 宇 初 撰

七言長歌

橐籥子歌

太虛無垠浩磅磅孰使陰陽兆開鑿皇皇真

宰執化樞鼓蕩吹噓橐中籥由來萬有同一
源玉檢瓊編祕經略玄元聖祖啓妙機百萬
微言示冲漠廓然茫昧天地先無名無象皆
自然百煉精金返真液龍虎烏兔相縈纏古
來至士亦罕遇至人珎祕億劫傳祝融之孫

得異說垢足麻衣叩雷穴自言縱閉司雨暘
霹靂鞭驅隨奮烈少曾飛步金馬門鉅老勲
卿盡傾結翻然不受簪佩羈直駕風霆走吳
越疑是時金壁羅英豪豈意風塵頓愁絕韶華
滿眼總灰燼傲睨芳罇肆談閱歸來且識真

疑

主顏仙岩鬼谷思盤桓掃花酌水弄清嘯塵
世俗慮無毫干洞觀向來去就不足數登我
石磴之上洗耳聽潺湲昨言忽憶桑梓里天
寇之壇久蕪弛雕甍畫棟勞經營越歲前圖
復雄峙削空兩壁峩帝宮石室雲林蓄雷雨

我亦尋山築茅屋琵琶諸峯美如玉嘗聞大
藥宜早營煉就丹光徧空燭洞庭彭蠡波滄
溟黃鶴一去安飛行汞鉛顛倒豈細事為我
剖決乾坤精誰云洞天別有書洞中之天惟
虛無既非皇人所筆廣文餘又非元始所說

空懸珠煩君鼓橐訊然否請括溟滓大塊歸
元初

題方壺真人竒峯雪霽圖

岷峨太古雪萬劫崑崙巔壺仙洒墨總冰玉
劔閣巔屹西極天層峯浪湧何竒絕暖動魚

龍湘水裂霽色初分款段橋松濤夜度峨眉
月滄江老屋山之幽極浦陰崖迴凍流袁安
門巷白三尺古木煥爛珊瑚鉤笑我支離卧
丘壑瓊樹瑤芳翳溟漠大澤重裘霧霰深春
風漸轉梅花角衰倦謝毫端披圖意欣愕輞
川遺興邈復追靜對孤光隱寥廓

疑七

二

題松陰授道圖

緜嶺仙人結屋瓊林東巢雲道者為寫百尺
之長松見山堂前蔭高蓋根盤鐵石枝虬龍
自言泥丸古仙子昔者授道瓊山公翁有如靈

壇燕白石長蘿秋籟吟天風上摩九霄錯落
之雲漢下接三山渺漠之星虹泥丸之道視
曠劫直與偃蹇蒼翠窺鴻濛緱仙昔跨嶺頭
鶴閩海吹笙訪名嶽故人喜是仲父尊回鷗
溪枕梅花閣嘉定雄詞百煉兵細語情深古
方朔道山文彩嗟寂寥振翮超騰足鯨角憶
過溪上傳歸船釀酒松陰溪月圓縱橫鱗影
落空翠杳靄竽聲迴暝川喬木踈篁不堪寫
撫今感昔心茫然畢宏韋偃稱絕筆獨許壺
仙踵芳迹雲孫宜更追今名礪水林峯暮寒

碧後凋之木梁棟材陰崖霜雪應稀擇笑我
放歌蘭蕙叢欲剪松花釀春液舉首共招陳
白二老仙醉卧雲濤弄秋色

題華山仙掌圖

太華峯古名嶽元炁扶輿此磅礴根盤西極

疑七

三

嵩岱尊萬丈蒼崖倚寥廓斜傾半月指掌明
側掛銀河碧空落摩霄岌業張峻屏培壘群
山聳良霍

天子巡方幾幸臨荒祠古宇凌千尋斷橋遠
帶墟渚靜老木低亞川源深浮雲似隔鍾鼓

暮鐵索高懸渺烟霧中有仙人王子喬虎豹
爲關石爲戶我朝望秩當隆平徧遣羽人通
精誠瑤壇瞻謁莫敢登歸復金門馳

聖情雄辭妙刻照千古秦漢徒誇禪梁父山
靈川后降禎祥宗社安隆固天府巨靈擘石
通川流明星玉女栖丹丘黃河盤渦出天際
白帝金精熒彩周車箱箭括通天路我欲因
之與天語擬招馬衛駕鹿升翠崖丹谷知何
許手携九節杖笑拍洪崖肩飢餐落鴈霞渴
飲玉井蓮紫衣朱鬢或相遇借我茅龍飛復

旋壺仙白首驚畫絕
鼎鼎遺照豈磨滅
冷風一息九萬程
底須醉向峨眉月

七言絕句

題方壺神仙意

厭將粉黛污秋容
淨洗風烟一兩峯
要識仙

家無味處盡拋塵垢
坐長松

西宇真人枯木

夕陽渡口水連空
落葉寒鴉古道中
走筆秋聲來不盡
釣竿何處立西風

雲壑幽居

翠崖丹壑雲千畝只著幽居小
礪東聞說晴
窻展書處藤花飛雨更秋風

方壺仙岩竹葉

野艇歸來飽勝竒袖中蒼玉記當時
仙家多
住空青裏只示人間兩半枝

疑七

四

望仙亭

仙徒隨地躡靈蹤顧望鸞颺歷幾重
莫道靈
槎無覓處江南此是最高峯

煉丹岩

汞鉛煉盡總金砂苔蘚岩扃即是家
遙望白

雲窻牖處大還尤假長靈芽

雷洞

嵌空石洞走雲烟靈草玄芝幾歲年坐聽風
霆生足下自疑此外更無天

龍潭

絕巘靈湫抱石磯一泓寒碧護苔衣蟄龍有
許替山麓曾侍雲駮作雨歸

學士閣

華堂舊產玉堂仙文彩辭光照紫玄散作人
間珠萬斛飛鯨遺想動千年

禮斗壇

卓立空青第一峯飛罡踰步即乘風捫岑不
識天高遠指顧璇樞夜氣中

玉庭館

萬仞丹光照乘珠敞庭燕坐玉芙蓉世人漫

五

禮通明界鸞鵠盤空聽步虛

五

摘星閣

高閣凌霄冠翠微星槎只載五銖衣洗空銀
漢秋無跡入夜瑤笙鶴上歸

望靈山

玉削芙蓉照瞻明水晶苗長盡仙靈何當學
剪吳松水割取蓮峯一葉青

月中桂

金粟秋香月半梢喜分清影入冰綃此身如
在清虛府不待雲鬟下鵲橋

雲野圖

曠視塵勞廣漠濱半空笙鶴靜中聞一從會
得無絃意不獨松巢總白雲

下碁峯

翠嶽高崖會衆峯石壇雲霧藹西東仙家不

比商山奕盡在河圖倍數中

洗目池

目盡群峯徧草萊鶴袍汙弊豈凡埃好將一
滴清塵劫只用天瓢水半杯

詞

沁園春

登真

冥滓鴻濛肇自先天無極之初暨陰陽分判
乾坤定位循環動靜真宰中居一點靈明輝
天朗地亘古圓融無智愚塵緣斷看碧潭鏡
淨月瑩心珠 八荒洞照無隅中宵永冰壺

二液酥正真鉛投汞坎離交姤火龍水虎橐
籥吹噓白雪凝輿黃芽滿鼎雷震崑崙徹太
虛功成後俟胎圓神化同赴天衢

水龍吟

法海

先天無象始父母未生前一真獨露光明亘

疑七

六

古著靈源縱閉陰陽內運顛倒五行攢簇浩

氣養三田發用殺機處雷電震無邊 既非

心又非法亦非禪幽微奧妙千金不與世人

傳莫認符塗呪訣直悟玄關宗祖將在自已

神全堯礫兼莎草濟世自超然

風入松 問學

十年燈影夜相親
寒暑迭催頻
短窗幾度停
犀管殘編盡
知味何人
簾外雪深風緊
梅花徧旺詩神
千經萬史足經綸
學業志彌綸
天根月窟間
今古文章事
多少迷津收歛
虛靈瑩徹杖藜隨
處陽春

無俗念 參究

塵湖峯下結雲松
巢子動忘昏曉
浮世衰榮無限事
一笑浪漚萍
藜翠竹黃華水聲
山色此味知多少
湛然瑩徹色空俱
自明了天

也雲影徘徊寫長空色一鏡澄清沼春去秋
來心自在付與野情魚鳥海濶江平日明風
細清籟傳音杳便須飛步滄溟朗吟天表

水調歌頭內五

至道無言說寂默守境中杳冥恍惚周流一

疑七

七

炁運元宮採取金精小液真土內擒鉛汞頃
刻顯神功測爻符為橐籥震雷風坎離顛
倒火飛碧海煉真空太乙含真有象至鼎流
珠凝結神化合玄通歸去蓬瀛路曠劫玩鴻

濛

滿庭芳 山居

折却烏藤便尋茅屋 誰知剩水殘山鑿釜池種
樹梅竹任縈環芳苒 閑花覆地烟霞裏蘚徑
朱關無人到春風秋月松菊伴幽潺 簞瓢
隨分過無榮無辱樵路漁灣與林猿谷鳥暮
樂朝歡掃盡情塵業垢披衣坐真息養還丹
優游處孤琴隻鶴霜露不凋顏

蘇武慢 消閑

悟幻尋真參求幾載 自誓頓超生滅風抄雪
暮夜讀朝吟探究古今賢哲道妙禪宗萬殊

一本勘破底須分別這堂堂無礙真空非與
太陰圓缺 堪笑竹椅蒲團松窗桂牖迓
步便同高潔塵世相違水雲為伴高卧故園
風雪駁馬貂裘翠袖紅螺過目浮華閑說速
回頭是岸簾幃光透性天心月

滿江紅

閱世

憶昔少年行樂地都非舊景聽海添潮落綺
繡四城春永歌舞樓頭憎日暮管絃席裏嗔
酣省看目前榮悴幾光陰愁難整 夢魂醒
塵慮并漫堪嗟空自警慨蘭橈荻閣水寒烟

冷無分江湖中緒斷天心月到澄潭影念浮生識破悲歡川波靜

時江月 江湖

曾隨釣艇弄秋波見盡江湖浩漠兩岸白蘋洲渚外露冷荻花楓落半夜潮聲中天月色

七

更轉梅花角推蓬試問故人隨處蕭索發棹牧浦漁村夕陽城畔歸鴈鳴偏數綠酒黃花烟雨際幾夢故園林壑壞塔風高海門山小春盡垂楊郭歸來林下振衣高視空廓

望梅花 絕文

浮世無邊塵累劫破幻緣能幾億劫冤親千
生契識薄似片雲情義空自愧奸巧機關逞
英雄徒增業孽用盡深謀詭計奔競是非
名利造物無私靈臺自昧苦海沉津如熾淨
拋棄野水踈林絕行蹤月明風細

解紅了悟

本來真性體虛空徧界圓明現情塵揜翳心
珠暗溺重淵靈光不昧一點輝煌元非遠掃
浮雲萬象無遮碍天心見野花啼鳥間中舒
目看滄海桑田幾清淺衰榮代謝常消息盡

慈山苦海流浪難轉 猛省來乾坤總妙玄

松筠畔寂寞細玩真 源曹溪路口無陰樹非

法非禪直待一陽生 坎光騰如波捲誰會取

靜飲刀圭浮慮遣 視無形聽無聲言無辨這

落魄逍遙真可羨 白雲堆裏容癡倦共寒泉

枯木隱隱壺天

疑七

風入松

江城淹病酒難酣 踈鬢訝朝簪 暑消已覺秋

光徧紅塵遠 斜日回駮蕙帳 累留殘宿 清霜

猶濕春衫 秦淮潮定碧如藍 歸燕息呢喃 白

雲幃慢寒偏早更誰問鴈字魚緘早晚掉聲
歸也黃花白酒村南

峴泉集卷之十二



